



## COMUNU DE QUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

Sa presentada ufitziale de su Pranu Integradu Urbano de sa Tzitade Metropolitana est unu traguardu importante pro is comunidades chi a s'internu de s'àrea ampra casteddaia aspirant a isvilupare sinergie e oportunidades cumpartzidas, in gradu de garantire un'isvilupu armònicu e sa valorizatzione de apentos ispetzìficos a s'internu de unu quadru territoriale parìvile.

Est su casu de su grandu progetu de trasformatzione de su Poetto, chi devenit realidade gràtzias a is isfortzos comunos cara a un'obietivu printzipale: torrare a is tzitadinos de Quartu, de Casteddu e de totu s'àmbitu metropolitanu unu logu bellu, vivibile, atrativu, in manera perfeta integradu cun sa natura e cun su cuntestu urbanu in tundu. Quartu at detzìdidu custu de serrare definitivamente una pàgina de su passadu pro nd'abèrrere una noa, chi cheret investire subra de s'ambiente, subra de sa natura, subra de sa vivibilità e subra de su turismu sustenibile, in perfetu acòrdiu cun sa filosofia de su Pranu agigu aprovalu. De grandu importu fintzas su segundu filone de finantziamentos chi at a andare a cumpletare cuddos comunales pro su cumpèndiu isportivu-ambientale de is Arenas. Is fundos ant a arribbare intro su mese de abrule cun una tempèstica de cumintzu traballos prevista deretu a pustis de s'istiu.

Àtera importante noa de custas dies est su bia libera a su progetu definitivu pro sa mantenidura istraordinària de sa Caserma de is Carabineris in bia Mare Ligure, chi a su tèrmine is traballos at a cunsentire in fines de tènnere unu presìdiu fissu de seguridade pùblica in su litorale quartese. Is fundos, paris a 250 milli èuros, sunt de provenièntzia regionale e is traballos ant a comintzare in custu casu in antis de s'istajone istiale.